

ҮЙЛЧИЛГЭЭНИЙ НӨХЦӨЛ БОЛОН НУУЦЛАЛ

1. Энэхүү Үйлчилгээний нөхцөл болон нууцлалын бодлого нь “Эзэн Монгол Капитал ББСБ” ХХК (цаашид “ББСБ” гэх)-ийн цахим зээлийн үйлчилгээний вэбсайт болон гар утасны аппликэйшнийг ашиглан цахим зээлийн журам, нөхцлийг тодорхойлно. Иймд үйлчилгээний нөхцлийг зөвшөөрсөн тэмдэглэгээг сонгосноор ББСБ-д дараах зөвшөөрөл болон эрхийг олгож байгаа болно. Үүнд :
 - 1.1 Таны зөвшөөрлөөр хувийн мэдээллийг хүлээн авч холбогдох хууль, журамд заасан хугацаанд тогтоосон шаардлагын дагуу цахим болон цаасан хэлбэрээр хадгалах.
 - 1.2 Та зөвшөөрсөн тохиолдолд Төрийн цахим мэдээллийн санд хандаж Таны хувийн мэдээлэл (овог нэр, регистрийн дугаар, ажил эрхлэлтийн байдал, орлогын мэдээлэл, оршин суугаа хаяг г.м.)-ийг тулган шалгаж, баталгаажуулах, шаардлагатай тохиолдолд нэмэлт мэдээллийг шаардах;
 - 1.3 Шаардлагатай тохиолдолд таны бүртгүүлэхээр зөвшөөрсөн онлайн сүлжээний мэдээлэл, хайлтын түүх, хуанлийн мэдээлэл, утасны жагсаалт зэргийг хуулбарлаж, хиймэл оюун ухааны тусламжтай дүн шинжилгээ хийж, баталгаажуулах, бүтээгдэхүүн үйлчилгээ санал болгох;
 - 1.4 Та манай ББСБ-тай хамтран ажиллаж буй бусад байгууллагын бүтээгдэхүүн, үйлчилгээг авахыг хүсвэл Таны зөвшөөрсөн хэмжээнд холбогдох мэдээллийг хуваалцах;
 - 1.5 ББСБ нь цахим зээлийн үйлчилгээ үзүүлэх вэб болон аппликэйшнийг сайжруулах, өргөжүүлэхээр хамтран ажиллаж байгаа гүйцэтгэгч, зөвлөхөд Таны мэдээллийг нууцлалтайгаар дамжуулах.
2. ББСБ нь харилцагчийн мэдээллийг гагцхүү дараах зорилгоор ашиглана. Үүнд:
 - 2.1 Банк бус санхүүгийн үйлчилгээг хүргэх буюу таны хүсэлтийг хүлээн авах, гүйлгээг дамжуулах, ББСБ-ын цахим зээлийн үйлчилгээ үзүүлэх аппликэйшнийг суулгах, ашиглах, бүртгүүлэх, түүгээр дамжих бусад бүтээгдэхүүн, үйлчилгээг үзүүлэх;
 - 2.2 ББСБ-аас үзүүлж буй зээлийн болон бусад үйлчилгээний нөхцөл, хэмжээг тогтоох;
 - 2.3 Таны сонгон хэрэглэж буй болон Танд санал болгох бүтээгдэхүүн үйлчилгээний талаар нэн шаардлагатай мэдээллийг дамжуулах;
 - 2.4 Төрийн цахим мэдээллийн сангаас харилцагчийн лавлагаа, мэдээллийг хүлээн авах;
 - 2.5 Танд хэрэгцээтэй бүтээгдэхүүн үйлчилгээний зар, мэдээлэл хүргүүлэх, хамтран ажилладаг гуравдагч этгээдийн зар мэдээллийг дамжуулах;
 - 2.6 Бүтээгдэхүүн үйлчилгээний эрсдэлийг үнэлэх, санхүүгийн болон мэдээллийн аюулгүй байдлыг хангах, хяналт тавих, сайжруулах;
 - 2.7 ББСБ, түүний харилцан хамаарал бүхий этгээд, гуравдагч этгээдээс үзүүлж буй бүтээгдэхүүн үйлчилгээний сэтгэл ханамжийн талаар судалгаа авах, зах зээлийн судалгаа ажиглалт, тандалт хийх;
 - 2.8 Таны ББСБ-ын цахим зээлийн үйлчилгээ үзүүлэх аппликэйшний хэрэглээний түвшинг судлах, хэрэглэгчийн хэрэгцээ шаардлагад нийцүүлэх үүднээс дата мэдээллийн зам мөрийг хадгалах;
 - 2.9 Хуулиар тогтоосон аливаа шаардлагыг биелүүлэх, нийцлийг хангах;
 - 2.10 Хуулиар хориглоогүй бусад зорилгоор.
3. Зээлийн эрхийн гэрээ

3.1 Зээлдэгч нь дараах үүрэгтэй. Үүнд:

3.1.1 Зээлийн хүсэлтэд дурдсан мэдээлэл болон зээлийн шийдвэрт нөлөөлөх аливаа бичиг баримт, мэдээллийг үнэн зөвөөр гарган өгөх;

3.1.2 Зээлдэгч нь ББСБ-ын цахим зээлийн үйлчилгээ үзүүлэх аппликэйшнд оруулсан өөрийн аливаа мэдээлэл, зээлийн хэмжээ, хугацаа, хүү, хураамж зэрэг Цахим зээлийн гэрээ байгуулах үеийн мэдээллийг буруу, дутуу, алдаатай оруулсан, эсхүл цахим зээлийн хүсэлт болон Цахим зээлийн гэрээг санамсаргүй болон санаатай байдлаар давхар илгээсэн, баталгаажуулсан зэргээс үүдэн гарах аливаа эрсдэл, хариуцлага, зардлыг өөрөө бүрэн хариуцах;

4. ББСБ нь үйлчилгээг цахим зээлийн үйлчилгээ үзүүлэх аппликэйшнээр дамжуулан үзүүлэхдээ дараах эрх, үүрэг, хариуцлагыг хүлээнэ. Үүнд:

4.1 ББСБ нь цахим зээлийн үйлчилгээ үзүүлэх аппликэйшнд оруулсан таны хувийн болон санхүүгийн мэдээллийг тус Үйлчилгээний нөхцөлд зааснаас бусад тохиолдолд бусдад дамжуулах, бусад зорилгоор ашиглахгүй байх, Таны мэдээллийн нууцлалыг хадгалах, хамгаалах үүрэг хүлээнэ.

4.2 ББСБ нь таны мэдээллийн аюулгүй байдлыг хангахын сацуу таны оруулсан аливаа мэдээллийг хуульд заасан шаардлагын дагуу эрх бүхий хуулийн байгууллага болон бусад эрх бүхий этгээдийн шаардлагын дагуу тухайн шаардсан хэмжээгээр хязгаарлан гаргаж өгнө.

4.3 Таны биеийн давхцахгүй өгөгдөлийг ББСБ-ын аливаа систем, серверт хадгалахгүй.

4.4 ББСБ-ын цахим зээлийн үйлчилгээ үзүүлэх аппликэйшнд ББСБ-ын харилцагч бусад байгууллагуудын зар сурталчилгаа байршиж болох ба энэ нь ББСБ-ын зүгээс Танд тухайн бүтээгдэхүүн, үйлчилгээг санал болгосон, давуу байдал олгосонд тооцогдохгүй бөгөөд гуравдагч этгээдийн аливаа бүтээгдэхүүн, үйлчилгээний талаар ББСБ аливаа хариуцлага хүлээхгүй.

4.5 ББСБ-ын ББСБ-ын цахим зээлийн үйлчилгээ үзүүлэх аппликэйшнд, цахим хуудас дээрх харилцагч банк, аж ахуйн нэгжийн лого нь (VISA, MASTERCARD, UNIONPAY г.м) гагцхүү тухайн этгээдийн оюуны өмч бөгөөд ББСБ нь тэдгээр лого, холбогдох оюуны өмчийн талаар аливаа хариуцлага хүлээхгүй.

4.6 Хэрэв Та Үйлчилгээний нөхцөлд заасан өөрийн үүргийг зөрчсөн тохиолдолд ББСБ нь Танд үйлчилгээ үзүүлэхээс татгалзах, ББСБ-ын цахим зээлийн үйлчилгээ үзүүлэх аппликэйшнийг хаах, өөрт учирсан аливаа хохирол, зардлыг нэхэмжлэх гэм хорыг арилгахыг шаардах эрхтэй болно.

4.7 ББСБ-ын цахим зээлийн үйлчилгээ үзүүлэх аппликэйшнд техникийн өөрчлөлт, шинэчлэлт хийх тохиолдолд түр хугацааны зогсолт хийж болно.

4.8 Зээлдэгчийн зүгээс ББСБ-д гарган өгсөн аливаа мэдээлэл нь үнэн зөв, аливаа худал бичиг баримт, хуурмаг мэдээлэл, залилан мэхлэх зорилго агуулаагүй болохыг Зээлдэгч нь үүгээр баталгаажуулж байна.

4.9 Зээлдэгч нь ББСБ-ын цахим зээлийн үйлчилгээ үзүүлэх аппликэйшнд оруулсан өгөгдөл, тэдгээрийн утга, нэвтрэх нэр, нууц үг, пин код зэргийг ашигласан, аливаа сонголт хийсэн, нууцлалын төхөөрөмж, давхцахгүй өгөгдөл болох хурууны хээ уншуулсан зэрэг нь Зээлдэгч өөрөө ББСБ-д хандан гаргасан баримтын бүрдүүлбэр, холбогдох зээлийн цахим хүсэлт болон бусад хүсэлт, мэдэгдэл, зөвшөөрөл, Цахим зээлийн гэрээ болон нэмэлт өөрчлөлтийг хүлээн зөвшөөрснөө баталгаажуулж зурсан албан ёсны баталгаат гарын үсгийн адил хүчин төгөлдөрт тооцогдоно.

4.10 Мэдээлэл өгөх зөвшөөрөл: Зээлдэгч нь Монгол Улсын Зээлийн мэдээллийн тухай хуулийн 6-р зүйлд дурдсан зээлдэгчийн зээл, төлбөрийн үүргийн талаарх

мэдээллийг Зээлийн мэдээллийн санд буюу зээлийн мэдээллийн үйлчилгээ үзүүлэх этгээдэд өгөх, зээлийн лавлагаа авахыг үүгээр зөвшөөрч байна.

5. Зээлийн нөхцөл

5.1 Зээлийн нөхцөл:

5.2 Зээлийн хэмжээ: 50'000-5'000'000₮

5.3 Зээл олголтын шимтгэл: 2%

5.4 Зээлийн хүү: 1.7%-3.0%

5.5 Зээлийн хүү жилээр: 20.4%- 36%

5.6 Зээлийн хугацаа: 7 хоног - 36 сар хүртэл

5.7 Өр орлогын харьцаа: 70% хүртэл

6. Бусад нөхцөл

6.1 ББСБ-ын цахим зээлийн үйлчилгээ үзүүлэх аппликэйшн ньолон төрлийн бүтээгдэхүүн үйлчилгээ үзүүлэх, техникийн сайжруулалт, өөрчлөлтийг тогтмол хийх тул энэхүү Үйлчилгээний нөхцөл баталгаажсан цаг үеэс хойших хугацаанд Танд дараах байдлаар урьдчилан мэдэгдсэнээр энэхүү Үйлчилгээний нөхцөлд нэмэлт, өөрчлөлт оруулах, шинэ бүтээгдэхүүн, үйлчилгээ нэвтрүүлэхтэй холбогдуулан нэмэлт нөхцөл баталгаажуулах зайлшгүй шаардлага үүсэх бөгөөд тэдгээр нь энэхүү Үйлчилгээний нөхцөлийн салшгүй хэсэг болно. Үүнд:

6.1.1 ББСБ-ын цахим зээлийн үйлчилгээ үзүүлэх аппликэйшнийн мэдэгдэл хэсэгт оруулснаар;

6.1.2 Бүртгэлтэй цахим шуудангийн хаягаар хүргүүлснээр.

6.2 Та 6.1-д заасан мэдэгдлийг хүлээн авснаас хойш аливаа нэмэлт өөрчлөлт хүчин төгөлдөр болж, мөрдөгдөхөөс өмнө зөвшөөрөх эсэх талаар мэдэгдээгүй тохиолдолд хүлээн зөвшөөрсөнд тооцож хүчин төгөлдөр үйлчилж эхэлнэ.

6.3 Энэхүү Үйлчилгээний нөхцөлийг Монгол Улсын хууль тогтоомжийн дагуу тайлбарлаж, зохицуулагдана.

6.4 ББСБ-ын цахим зээлийн үйлчилгээ үзүүлэх аппликэйшнийг ашиглахтай холбоотойгоор үүссэн аливаа маргааныг эвийн журмаар шийдвэрлэхийг эрмэлзэх бөгөөд тийнхүү шийдвэрлэх боломжгүй бол зохих харьяаллын шүүхийн байгууллагаар шийдвэрлүүлнэ.